

Date – 19/02/2025

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. **Mizoram Legislative Assembly Budget Session chu vawiin khan Legislative Assembly House, Aizawlah tan a ni.**
2. **Union Minister of State for Micro, Small and Medium Enterprises; Labour & Employment Pi Shobha Karandlaje in Union Budget 2025 - 2026 sawihona hmanpui turin zankhat riak tur in Aizawl a lo thleng.**
3. **Union Home Minister Amit Shah-a kaihhruai High-Level Committee chuan khuarel chhiatna tuar nasa state panga hnenah cheng vaibelchhe 1554 chhawmdawl na pek a remti.**
4. **Delhi Chief Minister thar ruat turin BJP Legislature Party inhmuhkhawm chuzanin dar 7-ah New Delhi-ah neih a ni dawn.**

<><><>

ASSEMBLY SESSION

Mizoram Legislative Assembly Budget Session chu vawiin khan Legislative Assembly House, Aizawlah tan a ni.

Budget Session tan ni ah hian Larsap Gen (Rtd) Vijay Kumar Singh chuan thusawiin Legislative Assembly Annual Budget Session chu Sawrkar pawisa lut leh chhuak tarlanna satliah mai nilo, mipuite tana Sawrkar hmachhawp leh ruahmannate tarlanna a nih thu a sawi a, assembly session-a thil sawiho leh rel te chuan mipui tan hmasawna a thlen ngei a beisei a ti. Mizoram Legislative Assembly-in rorelna kalphung zahawm tak vawnhim kawngah sulhnu duhawm tak a lo nei tawh thin tih sawiin, member-te chu he sulhnu chhuanawm tak hi chhawmnung zel turin a sawm a ni.

Budget Session hi ni 14 chhung an thu dawn a, March ni 4 ah Finance changtu Chief Minister in Mizoram Budget (2025 – 2026) a pharh dawn a, Session hian March ni 20 thleng a awh ang.

<><><>

GOVERNOR – HANDHOLDING SCHEME

Larsap Gen (Rtd) Vijay Kumar Singh chuan Bana Kaih scheme in a tum ber chu Viksit Bharat 2047 leh United Nations Sustainable Development Goals (SDGs) hlawhtlinna kawnga tha thawh ve a ni a ti.

Larsap hian vawiin khan Mizoram Legislative Assembly Budget Session thutkhawm hmasa berah thu sawiin Mizoram Sawrkar flagship program Bana Kaih in a tum ber chu India in kum 100 a tlin huna ram hmasawn a nihna tura tha thawh ve tur leh Mizoram chu hmasawn zinga a tel ve theih na tur a ni a ti

a, kuthnathawktuten intodelhna tlak eizawnna ngelnghet an neih theih nan leh hmasawnna rualkhai siam nan ruahmanna hrang hrang a chhawmdawl tum an ni a ti a, hmasawnna chu mi tin thleng phak anih theih nan hmalak ani a ti bawk.

Larsap chuan Bana Kaih hmalakna kalpui dan tur hlawm 5 ah then a ni a ti a, heng zingah hian sawrkar thawhpui bank leh financial institution ten Progress Partner te hnenah Loan an pe dawn a, heng mi te tan hian sawrkar chuan Credit Guarantee Scheme awmsa hmangin Guarantor ah a tang dawn a, hemi atan hian sawrkar chuan bank pathum - State Bank of India (SBI), Mizoram Rural Bank (MRB), and Mizoram Cooperative Apex Bank Ltd (MCAB) te chu inremna thuthlung a ziah pui tawh a ti a, Handholding Policy hnuaiah Chief Minister's Special Category Scheme siam a ni tih sawiin tanpuina cheng nuai khat chin pek chhuah a ni dawn tih a sawi.

<><><>

GOVERNOR – SECURITY

Larsap Gen (Rtd) Vijay Kumar Singh chuan ram hmasawnna atan remna leh muanna vawnhim chu thil pawimawh tak ani a ti.

He thu hi vawiina Mizoram Legislative Assembly Budget Session hmasa berah sawiin Larsap chuan Mizoram Police ten rim taka khua leh tui te venhim hna an thawh zarah kum 2024 chhungin Mizoram chhungah dan leh thupek kenkawh kawngah harsatna lian tham thleng a awm lo a ti a, Mizoram Police te chuan State dang nena ramriah harsatna a thlen loh nan ngawrh takin hna an thawk reng tih sawiin ramdang te nena ramri venghim turin Assam Rifles leh Border Security Force te nen tanghoin, venhimna hna khauh takin an kalpui thin tih a sawi.

Larsap chuan Home Department ah hmasawnna hrang hrang hmuh tur a awm a ti a, Police hmunhma leh hmanrua bakah Police awmna hmun thuam that hna nasa takin thawh ani tih sawiin Mizoram Home Guard Volunteers te Rifle Allowances chu Rs. 100 a tihpun a ni tawh dawn a ti a, Khawtlang ralmuanna leh mipuite himna kawnga hmalakna kal zelah Mizoram FSL chuan ND&PS Act leh BNSS 187 in a phut angin, case chinfel loh an nei lo a. Eng case pawh ni 30 chhung ngeia chingfel turin huntiam nghet tak an vawng tih a sawi bawk.

<><><>

GOVERNOR – SOCIAL WELFARE

Larsap Gen (Rtd) Vijay Kumar Singh chuan Jordan Centre, Sethawna ruihhlo ngawlveite enkawlna hna thawk duh te tana Expression of Interest (EOI) thehlut turin sawmna tihchhuah a ni tawh tih a sawi.

Larsap hian vawiina Assembly Budget session-a thu a sawina ah he thu hi sawiin nikum September 2024 atanga Ruangphurh kalpui anih hnua mi 238 in tanpuina an dawng tawh a ti a, an bank account-ah thun mai thin a ni tih sawiin A vaiin cheng nuai 23, sing 3 sang 3 zathum sawm pali pek chhuah a ni tawh ati a, Ruangphurhna atan State Annual Budget 2024-25 -ah cheng nuai 500 dahhran a ni tih sawiin a tirah kilometre khat zelah cheng 35 bituk a ni a, a hnua cheng 40-ah san a ni tih sawiin nikum December ni 23 ah rate thar hman tan ani tih a sawi.

Larsap chuan Mizoram pumah Eklavya Model Residential School (EMRS) sikul 11 a ding tawh a ti a, State Action Plan hnuaia upa zawk enkawl thiam bik zirtirna pekna tur ‘Creation of Pool of Trained Geriatric Caregivers’ kalpui turin RIPANS chu training partner atana thlan an ni tih sawiin Batch pahnih (2) in training an zo tawh tih a sawi bawk.

<><><>

UNION MINISTER

Union Minister of State for Micro, Small and Medium Enterprises; Labour & Employment Pi Shobha Karandlaje chuan Union Budget 2025 -2026 sawihona hmanpui turin zankhat riak tur in Aizawl a lo thleng.

BJP- Mizoram chuan Central hruaitute ruahman anga kum tina an tih thin angin Union Budget zirhona leh sawi hona hi a buatsaih a, mizo mipuiten Union Budget chu mipui Budget a ni tih an hriat a, Union Budget a Mizoram in an chanvo an chan theih na tur zirchian a pawimawh avang leh tangkai zawk a kan chhawr theihna atana buatsaih tur “Conference/ Workshop on Union Budget 2025 -2026’ chu Hotel Regency Conference Hall ah vawiin tlai dar 4 khan neih tan a ni.

Pi Karandlaje-i chuan India than dan leh a bikin Mizoram in a state pum anga a hlawkpui theih dan te an hriat ngei a duh a ti a, India ram sum leh pai dinhmun a that a, ram dinhmun sawhngheh a nih phawt chuan, ramchhunga cheng mipuite an him anga, rampawn mi te pawhin an rawn pan tawh zawk dawn a ni a ti.

(BYTE)

Union Budget chungchang inzirirna leh inhrilhhriattna hi BJP Mizoram chuan state level mai nilo, District leh Block level thleng a buatsaih turin ruahmanna a siam a ni.

<><><>

DIG (NR)

DIG Northern Range Pu C. Lalthanmawia’n lirthei chetsualna tih tlem anih theih nan Driving License pek dan en fel a tul thu sawiin Mizorama lirthei nei zingah document felfai lo a tam a ti.

Road Safety & Traffic Awareness Programme puala thuthar thehdarhtute Aizawl SP Conference Hall-a a kawmnaah he thu hi sawiin, Pu C.Lalthanmawia chuan Aizawl khawpuia lirthei tawt lutuk tur ven nan lirthei registration enfel leh khauh zawka lirthei pek chhuah a nih theih nan hma an la a ti a, lirthei lei thar tur ten garage an nei ngei tih finfiahna kalpui an duh tih sawiin mi tin dik taka ti vek turin an duh tih a sawi.

Byte : Pu C.Lalthanmawia

Aizawl Traffic SP Pu Stephen Lalrinawma pawhin thusawiin mipuiten him zawka lirthei an khalh theih nan leh dan tha taka an zawm theih nana an hmalakna hrang hrang a sawi a, kum 2019 atanga kum 2023, kum 5 chhungin Mizorama lirtheia chetsualna vawi 423 a thleng a tih sawiin mi 335 an thi a ti a, nunna chan tam chhan ber chu lirthei khalhtute fimkhur loh vang tih sawiin mipuite chuan mahni lirthei aiin mipui phur lirthei - bus leh taxi hmang tam se Aizawla traffic tawt thin lutuk chu a ziaawm phah a rin thu a sawi bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

MAMIT MURDER CASE

Tun thla ni 13 chawhnu lam a ruang an chhar pu Lalfakmawia kum 59 Bungthuam khua Mamit district a mi thihna chungchangah Mamit police te chuan mi 4 thuzawhfiah turin an la tawh.

Mamit SP Pu Pukhraj Kamal hnen atanga thudawn danin an mi mante thuzawhfiahna atanga alan dan chuan Pu Lalfakmawia hi ni 12 zan emaw ni 13 zing a tuboh hmanga thah a ni a an hriat a ni a, pawisa vang leh thikthu vanga inthahna hi thleng nia an hriat a ni bawk.

Mamit SP chuan tualthah hnuchhui hian karkhat vel zan pawh mu mumal tawh lova hnu an chhui tawh thu leh ni 4 hnuah chuan a hmawr an bawk theih tawh a beisei thu a sawi bawk.

<><><>

CHAMPHAI POLICE

Champhai Police ten kum 2023 April leh Kum 2024 May thla inkara Ruihhlo an man khawm cheng vaibelchhe 61 leh nuai 68 man hu chu vawiin khan Champhai District Bawrhsap Pu VL Remliana chuan District Hospital Champhaia thil halralna hmun-ah a halral.

Vawiina ruihhlo halral takte hi heroin Kg 26.135, Methamphetamine kg 84.97, Crystal Methamphetamine kg 14.261 Ganja Kg 26.463 te an ni a. Heng Ruihhlo halral tak te hi Champhai District Police ten ND&PS Act hnuaia thubuai an ziah niin a vaiin case 79 ziah luh a ni.

Champhai District Police-te hian Kum 2024 chhung khan ND&PS Act hnuaiah Case 172 an ziaak lut a, mi 221 man niin heng zinga mi 39 chu ramdang mi an ni. Kumin January Ni 1 atanga February Ni 19, 2025 thleng hian Champhai Police chuan ND&PS Act hnuaiah case 23 ziaak lut tawhin heng ruhlo tawlhruk kaihnawiah hian mi 29 man an ni a, heng zinga mi 9 te chu ramdang mi an ni. Heng case ziahluh kaihnawiah hian Heroin man zat hi 3.975Kg a ni a, a hlut zawng hi cheng vbc 1 leh nuai 19 a ni.

<><><>

NDRF

Union Home Minister Amit Shah-a kaihhruai High-Level Committee chuan National Disaster Response Fund (NDRF) hnuaiah khuarel chhiatna tuar nasa state panga hnenha cheng vaibelchhe 1554 chhawmdawlina pek a remti. Union Home Ministry thuchhuah danin nikum lama khuarel chhiatna tuilian, leimin leh thlipui tleh avanga harsatna tawkte chhawmdawlina pek hi rel a ni a. Andhra Pradesh tan cheng vaibelchhe 608, Nagaland tan cheng vaibelchhe 170, Odisha tan cheng vaibelchhe 255, Telangana tan cheng vaibelchhe 231 chaung leh Tripura tan cheng vaibelchhe 288 pek a ni dawn a. Union Home Ministry chuan sawrkar laipuiin State Disaster Response Fund (SDRF) hnuaiah chhawmdawlina a lo pek tawh atangin a hranin pek leh a rel a. Kum 2024-25 tangka kum chhungin sawrkar laipuiin cheng vaibelchhe sing 1

sang 8 leh 322 chu state 27 te hnenah SDRF hnuaiah hian a lo pechhuak tawh a, NDRF hnuaiah cheng vaibelchhe 4808 a pe tawh bawk a ni.

<><><>

CEC

Cheif Election Commissioner thar Gyanesh Kumar chuan vawiin atangin a hna a tan. Pu Gyanesh Kumar hian CEC chhuak ta Rajiv Kumar a thlak a. Mipuite hnena a thuchahah CEC thar chuan a hna hmasa berah vote thlak chu ngaih pawimawh anih tur thu sawiin kum 18 tling tawh khua leh tui zawng zawngte vote neih tir leh vote thlak tir anih thu a sawi a ni.

(Byte)

CEC a ruat anih hma hian Pu Kumar-a hi Election Commissioner a ni a. Nikum March ni 15 atang khan he hna hi a chelh tawh a.Kum 1988 IAS officer Kerala cadre a ni a. Union Ministry of Parliamentary Affairs ah Secretary nihna a chelh tawh a ni. CEC rual hian Dr.Vivek Joshi chu Election Commissioner atan ruat thar a ni bawk a. Dr. Joshi hi kum 1989 IAS batch Haryana Cadre a ni

<><><>

DELHI

Delhi Chief Minister thar ruat turin BJP Legislature Party inhmuhkhawm chu zanin dar 7 ah New Delhi-ah neih a ni dawn a. He hunah hian BJP MLA thlan thar zawng zawng leh party hruaitute an tel ang. Delhi Chief Minister thar hi naktukah Ramlila Maidan ah neih tura beisei a ni a. Delhi Assembly inthlan neih zawh takah khan BJP chuan seat 70 atangin seat 48 ah an chak a ni.

<><><>